

ZAKLJUČCI PANEL II:

Izazovi u finansiranju razvojnih aktivnosti u zajednicama ugroženim minama

Facilitatori:

Radoslav Živković, *STOP Mines*

Emmanuel Sauvage, *Handicap International*

1. Svi nivoi vlasti u BiH moraju pokazati značajno veće interesovanje u kreiranju razvojnih programa koji uključuju protivminsku akciju kao jedan od preduslova za njihovu realizaciju. Pozivaju se lokalni organi vlasti da zajedno sa lokalnim civilnim društvom preuzmu konkretne korake prema rješavanju minskog problema u svojoj zajednici na način da preuzmu inicijativu u definisanju i rješavanju problema.
2. Ojačavanjem veza protivminskih akcija sa razvojnim programima, i posmatranjem minskog problema kao jednog od pitanja koje mora prioritarno biti rješavano, dobiće se mogućnost za dodatna finansijska sredstava.
3. Hitno interesorno uskladiti sve nadležne kako bi maksimalno bile iskorištene mogućnosti koje nudi Instrument predpristupne pomoći (IPA).
4. Što prije izmjeniti Zakon o PDV-u prema kojem će sve donacije usmjerene na protivminske akcije biti oslobođene od plaćanja PDV-a.
5. Odnosi između interesnih grupa, i prema cjelokupnoj javnosti unutar i izvan BiH, moraju biti značajno unaprijeđeni. Bosna i Hercegovina je zemlja u kojoj je nedvosmisleno moguće postići visok nivo transparentnosti u radu bilo koje organizacije ili institucije, a što je osnovni preduslov za uspostavljanje veoma potrebnog povjerenja prilikom trošenja donatorskih sredstava. Predlažemo da se značajno popravi postojeći sistem odnosa sa javnošću kako bi tačne i pravovremene informacije postigle svoju svrhu, da svaka interesna grupa zna kakva je trenutna situacija po svakom pitanju od interesa.

Program protivminskih akcija u BiH je jedan od najboljih u svijetu. Državne institucije i nevladine organizacije koje su aktivne na polju protivminskih akcija moraju dati mnogo veći doprinos na promociji pozitivnih primjera unutar i izvan BiH. Na ovaj način bi sigurno povećavali povjerenje potencijalnih donatora i investitora koji do sada nisu imali priliku da se bolje upoznaju sa situacijom i ostvarenim rezultatima.